

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1334/12
Sarajevo, 22.11.2012. godine

Z A P I S N I K
**12. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 22. novembra 2012. godine**

Sjednica je počela u 11.50.

Sjednici je predsjedavao Radoje Vidović, predsjedavajući Doma naroda Parlamenta Federacije BiH.

Na početku sjednice predsjedavajući je pozdravio delegate, ministre u Vladi Federacije BiH, predstavnike nevladinih organizacija i predstavnike akreditiranih medijskih kuća koji prate rad sjednice.

Na osnovu evidencije Stručne službe, predsjedavajući je konstatovao da sjednici prisustvuje 31 delegat, što čini većinu, te Dom naroda može raditi i punovažno odlučivati.

Nakon toga predsjedavajući je pozvao delegate da se izjasne o zapisnicima 7., 8., 9. i 10. vanredne sjednice Doma naroda.

Budući da je Josip Perić zatražio da se utvrdi kvorum, sekretar Doma naroda je izvršio prozivku delegata konstatujući da sjednici prisustvuje 41 delegat, te Dom naroda može raditi i punovažno odlučivati.

Potom se prešlo na glasanje o zapisnicima.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, bez primjedbi, usvojio:

- Zapisnik 7. vanredne sjednice Doma naroda Parlamenta Federacije BiH, održane 16. maja 2012. godine (35 glasova za, jedan uzdržani glas),
- Zapisnik 8. vanredne sjednice Doma naroda Parlamenta Federacije BiH, održane 3. jula 2012. godine (37 glasova za, dva uzdržana glasa),
- Zapisnik 9. vanredne sjednice Doma naroda Parlamenta Federacije BiH, održane 20. i 24. jul 2012. godine (37 glasova za, tri uzdržana glasa),
- Zapisnik 10. vanredne sjednice Doma naroda Parlamenta Federacije BiH, održane 4. septembra 2012. godine (40 glasova za, tri uzdržana glasa).

Predsjedavajući je podsjetio delegate da se na osnovu člana 104. Poslovnika o radu Doma naroda mogu postavljati delegatska pitanja i pokretati inicijative, te izraziti nezadovoljstvo dobijenim odgovorom.

Delegatska pitanja i inicijative

Mijo Matanović je izrazio nezadovoljstvo nedobijanjem odgovora na pitanja postavljena na 10. sjednici, a tiču se projekata i iznosa sredstava predviđenih programom i javnim pozivom na osnovu kojih su dodijeljena sredstva iz Budžeta Federacije BiH za 2011. i 2012. godinu za podršku povratku izbjeglica i prognanih osoba sa područja Posavine iz Republike Srpske.

Također, izrazio je nezadovoljstvo odgovorom u vezi sa spiskom fizičkih i pravnih lica iz Posavskog kantona koji su dobili sredstva za podsticaje, ruralni razvoj i kapitalna ulaganja u 2011. i 2012. godini.

Potom je postavio dva pitanja.

Prvo se odnosi na transfer 12.000.000 KM iz Budžeta Federacije za 2012. godinu Kantonu 10, Posavskom kantonu i Bosansko-podrinjskom kantonu Goražde.

Drugo pitanje odnosi se na početak izgradnje mosta na Savi kod Svilaja.

Mira Ljubijankić je, u ime Kluba delegata srpskog naroda, od federalnog ministra raseljenih lica i izbjeglica zatražila da se Parlamentu Federacije dostavi izvještaj o tome kome su dodijeljena sredstva iz Budžeta Federacije za 2012. godinu za izbjegla i raseljena lica.

Sretko Radišić je postavio pitanje Federalnom ministarstvu poljoprivrede, vodoprivrede i šumarstva i Federalnom ministarstvu za izbjegla i raseljena lica zašto nije formirana mješovita komisija koja bi se upoznala sa egzistencijalnim i ekonomskim uvjetima u kojima živi povratnička populacija.

Mustafa Kurtović je postavio jedno pitanje i uputio jednu inicijativu.

Podržao je Miju Matanovića u vezi sa isplatom grantova iz izmjena i dopuna Budžeta Federacije za 2012. godinu.

Postavio je pitanje Vladi Federacije u vezi sa podrškom kantonima koji se ne mogu sami finansirati, te kako će se vršiti raspodjela javnih prihoda od 1. januara 2013. godine.

Pokrenuo je inicijativu da Vlada Federacije u saradnji sa Vijećem ministara Bosne i Hercegovine i državama kroz koje teče Drina, a potpisale su Sporazum o stabilizaciji o pridruživanju, pokrenu pitanje načina donošenja odluka o gradnji hidrocentrala na Drini.

Elvira Abdić-Jelenović je postavila dva pitanja i zatražila pisane odgovore.

Prvo pitanje je upućeno Vladi Federacije kao titularu državnog kapitala u *Agrokomercu* d.d. Velika Kladuša i nadležnom fFondu za penzijsko i invalidsko osiguranje u vezi sa prihodima *Agrokomerca* ostvarenim od naplate naknade za korištenje Carinskog terminala u periodu od 1. januara 2005. do 8. oktobra 2012. godine. Upitala je da li su se sredstva uplaćivala na žiro-račun ili u blagajnu preduzeća, te koliko je doprinosa, po godinama, uplatio *Agrokomerc* u fond penzijskog i invalidskog osiguranja od 1996. godine do danas.

Drugo pitanje je uputila Federalnom ministarstvu finansija i Finansijskoj policiji u vezi sa sredstvima koja su iz budžeta Federacije isplaćena Udruženju logoraša Općine Velika Kladuša od osnivanja (26. decembra 2000. godine) do

danas i sredstava koja su isplaćena Organizaciji porodica šehida i poginulih boraca Općine Velika Kladuša od osnivanja (14. marta 2003. godine) do danas.

Josip Perić je izjavio da na većinu pitanja nije dobio odgovore.

Ponovo je pokrenuo inicijativu da se organizira tematska sjednica o stanju privrede u Federaciji BiH.

Postavio je pitanje kada će biti izabran potpredsjedavajući Doma naroda iz reda srpskog naroda.

Drugo pitanje se odnosi na ekonomsku isplativost izgradnje hidroelektrane Mostarsko blato. Pokrenuo je inicijativu da se cijevima dovede voda iz Buškog jezera u Mostarsko blato i time opravda projekt izgradnje ove hidroelektrane.

Jasmin Smalbegović je pokrenuo inicijativu za izmjenu Zakona o porezu na dohodak u vezi sa uvjetima i dokumentacijom koja se tiče prava na povrat poreza ostvarenog prilikom liječenja u zdravstvenim ustanovama.

Zijat Mušić je pokrenuo inicijativu za održavanje tematske sjednice o stanju u boračkoj populaciji.

Postavio je pitanje federalnom ministru za pitanja boraca i invalida odbrambeno-oslobodilačkog rata u vezi sa revizijom korisnika prava iz boračke populacije, tj. koliko je tačno korisnika prava skinuto sa spiska korisnika od početka revizije do danas.

Amir Zukić je pokrenuo dvije inicijative.

Prvom inicijativom je zatražio da se ponedjeljak, 26. novembar proglašeni neradnim danom.

Drugom inicijativom je zatražio da se stimulišu izvozno orijentirana privredna društva u Federaciji BiH.

Zora Dujmović je pokrenula inicijativu da Vlada Federacije u što kraćem roku iznađe sredstva za prenamjenu bivše kasarne na Bradini u ustanovu za smještaj počinioca krivičnih djela u stanju bitno smanjene uračunljivosti ili neuračunljivosti.

Esad Bašagić je postavio pitanje direktoru Federalne uprave civilne zaštite - kada će donijeti propise iz člana 148. Zakona o zaštiti i spašavanju ljudi i materijalnih dobara od prirodnih i drugih nesreća.

Drago Puzigaća je upitao federalnog ministra za izbjegla i raseljena lica koliko sredstava je predviđeno za ta lica u općini Drvar.

Daliborka Milović je postavila pitanje kada će biti doznačen transfer Bosansko-podrinjskom kantonu Goražde.

Pokrenula je inicijativu za davanje autentičnog tumačenja Zakona o Javnom servisu Radio-televizije Federacije BiH i javnog konkursa za izbor i imenovanje tri člana Upravnog odbora Radio-televizije Federacije BiH.

Adnan Jupić je pokrenuo inicijativu da se licima koja odu u starosnu penziju omogući dobijanje minimalne penzije u formi akontacije do uplate zaostalih doprinosa.

Zahid Bašić je pokrenuo inicijativu da Vlada Federacije osigura sredstva za pomoć pri izgradnji centra za djecu oboljelu od autizma na području Tuzlanskog kantona.

Slobodan Tomić je postavio dva pitanja.

Postavio je pitanje Avdi Avdiću, glavnom uredniku vijesti Federalne radio-televizije, zašto na meteorološkoj karti još nije postavljen Široki Brijeg kao kantonalni centar iako je dostavljena sva potrebna dokumentacija.

Postavio je pitanje Federalnom ministarstvu finansija u vezi sa informacijom o općinama koje su dobile kreditna sredstva koja još nisu povukla.

Huso Obradović je postavio pitanje dokle se stiglo sa izvođenjem radova na brznoj cesti Stolac - Neum, te kada će se završiti radovi na ovoj cesti.

Hajrudin Bećirović je predložio da se Dom naroda izjasni o pokrenutim inicijativama a posebno o inicijativi za održavanje tematske sjednice o stanju privrede u Federaciji BiH koju je pokrenuo Josip Perić.

Predsjedavajući Doma naroda Radoje Vidović je izjavio da je bolje da se Dom izjasni o inicijativama kada se dostave u pisanoj formi, što su delegati prihvatili.

Nakon delegatskih pitanja i pokrenutih inicijativa prešlo se na utvrđivanje dnevnog reda.

Predsjedavajući je obavijestio delegate da je Vlada Federacije dostavila Prijedlog Zakona o izmjenama i dopunama Zakona o krivičnom postupku Federacije BiH sa prijedlogom da se razmatra po hitnom postupku.

Sa 35 glasova za i uz tri uzdržana glasa, Dom naroda Parlamenta Federacije BiH prihvatio je da se Prijedlog Zakona o izmjenama i dopunama Zakona o krivičnom postupku Federacije BiH razmatra po hitnom postupku.

Predsjedavajući je obavijestio delegate da je Vlada Federacije dostavila Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije i Prijedlog Zakona o klasifikaciji zanimanja u Federaciji BiH sa prijedlogom da se razmatraju po skraćenom postupku.

Sa 36 glasova za i uz četiri uzdržana glasa, Dom naroda Parlamenta Federacije BiH prihvatio je da se Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije razmatra po skraćenom postupku.

Sa 35 glasova za i uz dva uzdržana glasa, Dom naroda Parlamenta Federacije BiH prihvatio je da se Prijedlog Zakona o klasifikaciji zanimanja u Federaciji BiH razmatra po skraćenom postupku.

Zijat Mušić je, u ime Kluba delegata bošnjačkog naroda, predložio da se u dnevni red sjednice uvrsti Prijedlog Zakona o dopunama Zakona o potvrđivanju prava na prijevremenu starosnu penziju ostvarenu pod povoljnijim uvjetima.

Haris Abaspahić, savjetnik premijera Nermina Nikšića, obrazložio je da bi usvajanje ovog prijedloga Zakona predstavljalo kršenje Sporazuma potpisanog sa MMF i izjavio da je Vlada Federacije BiH pregovarala sa predstavnicima boračke populacije koju tretira ovaj zakon. Na tom sastanku je dogovoreno da se ova kategorija uvrsti zajedno sa drugim kategorijama u sveobuhvatni zakon o povoljnijem penzionisanju koji se mora usvojiti do kraja januara 2013. godine. Također, dogovoreno je da Vlada Federacije BiH osigura određeni iznos sredstava koji bi se kao jednokratna pomoć dodijelio pripadnicima ove populacije. Izjavio je da je ovaj sporazum Vlada oblikovala u Odluku kojom traži

da se Prijedlog Zakona o dopuni Zakona o potvrđivanju prava na prijevremenu starosnu penziju ostvarenu pod povoljnijim uvjetima ne razmatra prije usvajanja sveobuhvatnog zakona.

Domu naroda su se potom obratili predstavnici penzionisanih vojnika.

Nakon toga je Amir Zukić, u ime Kluba delegata bošnjačkog naroda, zatražio pauzu.

Nakon pauze, predsjedavajući Doma naroda je izjavio da Kolegij predlaže da Dom donese zaključak koji je pročitao Izmir Hadživdić, sekretar Doma naroda.

Sa 36 glasova za i uz jedan uzdržani glas, Dom naroda Parlamenta Federacije BiH usvojio je sljedeći:

ZAKLJUČAK

1. Obvezuje se Vlada Federacije BiH da do kraja januara 2013. godine utvrdi i uputi u parlamentarnu proceduru sveobuhvatni zakon u koji će biti uvršteni pripadnici boračkih organizacija koji imaju pravo na prijevremenu starosnu penziju.
2. Obvezuje se Vlada Federacije BiH da osigura akontativnu isplatu pripadnicima boračkih organizacija koji imaju pravo na prijevremenu starosnu penziju do donošenja sveobuhvatnog zakona u koji će biti uvršteni pripadnici boračkih organizacija koji imaju pravo na prijevremenu starosnu penziju.
3. Ukoliko Vlada Federacije BiH do kraja januara 2013. godine ne dostavi u parlamentarnu proceduru sveobuhvatni zakon u koji će biti uvršteni pripadnici boračkih organizacija koji imaju pravo na prijevremenu starosnu penziju zadužuje se Kolegij Doma naroda Parlamenta Federacije BiH da Prijedlog Zakona o dopunama Zakona o potvrđivanju prava na prijevremenu starosnu penziju ostvarenu pod povoljnijim uvjetima uvrsti u dnevni red sjednice Doma naroda koja će biti održana krajem januara 2013. godine.

Potom je predsjedavajući stavio predloženi dnevni red na glasanje.

Sa 41 glasom za i uz jedan uzdržani glas, Dom naroda Parlamenta Federacije BiH usvojio je sljedeći:

DNEVNI RED

1. Prijedlog Zakona o izmjenama i dopunama Zakona o krivičnom postupku Federacije BiH – hitni postupak,
2. Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije – skraćeni postupak,
3. Prijedlog Zakona o klasifikaciji zanimanja u Federaciji BiH – skraćeni postupak,
4. Prijedlog Zakona o zapošljavanju stranaca,
5. Prijedlog Zakona o volontiranju (predlagač: Komisija za pitanja mladih Predstavničkog doma Parlamenta Federacije BiH),
6. Nacrt Zakona o prekršajima,
7. Nacrt Zakona o istraživanju i eksploataciji nafte i plina u Federaciji BiH,

8. Nacrt Zakona o izmjenama i dopunama Zakona o privrednim društvima,
9. Nacrt Zakona o finansijskoj konsolidaciji privrednih društava u Federaciji BiH,
10. a) Prijedlog Odluke o prihvatanju zaduženja po Ugovoru o finansiranju između Bosne i Hercegovine i Evropske investicijske banke za finansiranje Projekta Koridor Vc - II faza,
 - b) Ugovor o finansiranju između Bosne i Hercegovine i Evropske investicijske banke za realizaciju Projekta Koridor Vc - II faza,
 - c) Usaglašeni zapisnik sa pregovora između Bosne i Hercegovine i Evropske investicijske banke za realizaciju Projekta Koridor Vc - II faza,
 - d) Informacija o kreditu Evropske investicijske banke za realizaciju Projekta Koridor Vc - II faza,
11. a) Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Dodatnog finansiranja Projekta olakšanja pristupa finansiranju za mala i srednja preduzeća,
 - b) Sporazum o zajmu (Dodatno finansiranje za Projekt olakšanja pristupa finansiranju za mala i srednja preduzeća) između BiH i Međunarodne banke za obnovu i razvoj,
 - c) Federalni projektni sporazum (Dodatno finansiranje za Projekt olakšanja pristupa finansiranju za mala i srednja preduzeća) između Međunarodne banke za obnovu i razvoj i Federacije BiH,
 - d) Projektni dokument Dodatno finansiranje za Projekt olakšanja pristupa finansiranju za mala i srednja preduzeća,
 - e) Usaglašeni zapisnik sa pregovora između Bosne i Hercegovine i Međunarodne banke za obnovu i razvoj (IBRD) u vezi sa Dodatnim finansiranjem za Projekt olakšanja pristupa finansiranju za mala i srednja preduzeća,
 - f) Informacija o zajmu Međunarodne banke za obnovu i razvoj (IBRD) za Projekt poboljšanja pristupa malih i srednjih preduzeća finansijskim sredstvima – Dodatno finansiranje,
12. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta vodosnabdijevanje Čapljine,
 - Projektni ugovor (Projekt vodosnabdijevanje Čapljine) između Bosne i Hercegovine i Evropske banke za obnovu i razvoj,
 - Ugovor o zajmu (Projekt vodosnabdijevanje Čapljine) između Bosne i Hercegovine i Evropske banke za obnovu i razvoj,
 - Ugovor o podršci Projekta (Projekt vodosnabdijevanje Čapljine) između Federacije BiH i Općine Čapljina i Evropske banke za obnovu i razvoj,
 - Informacija o zaduženju kod Evropske banke za obnovu i razvoj (EBRD) za realizaciju Projekta vodosnabdijevanje Čapljine,
13. Prijedlog Odluke o prihvatanju zaduženja po Sporazumu o finansiranju između Bosne i Hercegovine i Međunarodne asocijacije za razvoj (IDA) za realizaciju Projekta razvoja navodnjavanja,

- Usaglašeni zapisnik sa tehničkih diskusija između Bosne i Hercegovine i Međunarodne asocijacije za razvoj za Projekt razvoja navodnjavanja,
 - Sporazum o finansiranju (Projekt razvoja navodnjavanja) između Bosne i Hercegovine i Međunarodne asocijacije za razvoj,
 - Federalni projektni sporazum zaključen između Međunarodne asocijacije za razvoj i Federacije BiH,
 - Informacija o kreditu Svjetske banke - Međunarodne asocijacije za razvoj (IDA) za Projekt razvoja navodnjavanja,
14. Prijedlog Odluke o prhvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta izgradnje gradskih saobraćajnica u Sarajevu, koji je utvrdila Vlada Federacije BiH,
- Ugovor o zajmu za finansiranje projekta izradnje gradskih saobraćajnica u Sarajevu;
 - Projektni ugovor zaključen između Ministarstva saobraćaja Kantona Sarajevo
 - Direkcija za puteve Kantona Sarajevo i Evropske banke za obnovu i razvoj,
 - Ugovor o podršci zajmu zaključen između Federacije BiH i Kantona Sarajevo i Evropske banke za obnovu i razvoj,
 - Informacija o zajmu Evropske banke za obnovu i razvoj (EBRD) za Projekt izgradnje gradskih saobraćajnica u Sarajevu,
15. a) Izvještaj o izvršenju Finansijskog plana Zavoda zdravstvenog osiguranja i reosiguranja Federacije BiH za period januar – decembar 2011. godine (konsolidovani),
- b) Izvještaj o izvršenju Finansijskog plana Federalnog fonda solidarnosti za period januar – decembar 2011. godine,
- c) Izvještaj o izvršenju Finansijskog plana Stručne službe Zavoda zdravstvenog osiguranja i reosiguranja Federacije BiH za period januar – decembar 2011. godine,
- d) Program sanacije viška rashoda nad prihodima Federalnog fonda solidarnosti Zavoda zdravstvenog osiguranja i reosiguranja Federacije BiH
16. Izbori i imenovanja.

1. Prijedlog Zakona o izmjenama i dopunama Zakona o krivičnom postupku – hitni postupak

Prijedlog Zakona utvrdila je Vlada Federacije.

Predstavnički dom je na 16. sjednici, odžanoj 7. novembra 2012. godine usvojio Prijedlog Zakona o izmjenama i dopunama Zakona o krivičnom postupku u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona o izmjenama Zakona o Agenciji za privatizaciju obrazložio je Zoran Mikulić, federalni ministar pravde.

U raspravi nije niko učestvovao.

2. Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije – skraćeni postupak

Prijedlog Zakona utvrdila je Vlada Federacije.

Predstavnički dom je na 16. sjednici, odžanoj 7. novembra 2012. godine, usvojio Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije sa jednim amandmanom koji je prihvatilo Federalno ministarstvo finansija i koji je tako postao sastavni dio Prijedloga Zakona. Amandman se odnosi na član 1.

Amandman glasi:

"U članu 1. Prijedloga Zakona u četvrtom redu broj "2013." zamijeniti brojem "2015".

Prijedlog Zakona razmatrala su nadležna radna tijela i dostavila izvještaje.

Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije obrazložila je Nusreta Čerkez, pomoćnica federalnog ministra finansija.

U raspravi nije niko učestvovao.

3. Prijedlog Zakona o klasifikaciji zanimanja u Federaciji BiH – skraćeni postupak

Prijedlog Zakona utvrdila je Vlada Federacije.

Predstavnički dom je na 16. sjednici, odžanoj 7. novembra 2012. godine, usvojio Prijedlog Zakona o klasifikaciji zanimanja u Federaciji BiH u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona o klasifikaciji zanimanja u Federaciji BiH obrazložila je Galiba Karačić, sekretar Federalnog zavoda za statistiku.

U raspravi nije niko učestvovao.

4. Prijedlog Zakona o zapošljavanju stranaca

Prijedlog Zakona utvrdila je Vlada Federacije.

Predstavnički dom je na 16. sjednici, odžanoj 7. novembra 2012. godine, usvojio Prijedlog Zakona o zapošljavanju stranaca u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona o klasifikaciji zanimanja u Federaciji BiH obrazložila je Džana Kadribegović, predstavnica Federalnog ministarstva rada i socijalne politike.

U raspravi nije niko učestvovao.

5. Prijedlog Zakona o volontiranju (predlagač: Komisija za pitanja mladih Predstavničkog doma Parlamenta Federacije BiH)

Predstavnički dom je na 16. sjednici, odžanoj 7. novembra 2012. godine, usvojio Prijedlog Zakona o volontiranju u tekstu kako ga je predložila Komisija za pitanja mladih Predstavničkog doma Parlamenta Federacije BiH.

Vlada Federacije je razmatrala Prijedlog Zakona i dostavila mišljenje.

Prijedlog Zakona razmatrala su nadležna radna tijela i dostavila izvještaje.

Prijedlog Zakona o volontiranju obrazložio je Mirza Ustamujić, predsjednik Komisije za pitanja mladih Predstavničkog doma Parlamenta Federacije BiH.

Izvještaj Odbora za obrazovanje, nauku, kulturu, sport i pitanja mladih Doma naroda obrazložio je Branislav Crnogorac, predsjednik Odbora.

U raspravi su učestvovali Mira Ljubijankić i Mirza Ustamujić.

Predsjedavajući Doma naroda Radoje Vidović je predložio da se pređe na 10. tačku dnevnog reda jer u tom trenutku sjednici nisu prisustvovali svi ministri zbog istovremenog održavanja sjednice Vlade Federacije, a da se o tač. 6., 7., 8. i 9. raspravlja kada se pojave potrebni ministri, što su delegati i prihvatili.

10. a) Prijedlog Odluke o prihvatanju zaduženja po Ugovoru o finansiranju između Bosne i Hercegovine i Evropske investicijske banke za finansiranje Projekta Koridor Vc - II faza

b) Ugovor o finansiranju između Bosne i Hercegovine i Evropske investicijske banke za realizaciju Projekta Koridor Vc - II faza

c) Usaglašeni zapisnik sa pregovora između Bosne i Hercegovine i Evropske investicijske banke za realizaciju Projekta Koridor Vc - II faza

d) Informacija o kreditu Evropske investicijske banke za realizaciju Projekta Koridor Vc - II faza

Prijedloge odluka utvrdila je Vlada Federacije.

Predstavnički dom je na nastavku 16. sjednice, održane 8. novembra 2012. godine, donio Odluku o prihvatanju zaduženja po Ugovoru o finansiranju između Bosne i Hercegovine i Evropske investicijske banke za finansiranje Projekta Koridor Vc - II faza.

Prijedloge odluka razmatrala su nadležna radna tijela i dostavila izvještaje.

U raspravi nije niko učestvovao.

- 11. a) Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Dodatnog finansiranja Projekta olakšanja pristupa finansiranju za mala i srednja preduzeća**
- b) Sporazum o zajmu (Dodatno finansiranje za Projekt olakšanja pristupa finansiranju za mala i srednja preduzeća) između Bosne i Hercegovine i Međunarodne banke za obnovu i razvoj**
- c) Federalni projektni sporazum (Dodatno finansiranje za Projekt olakšanja pristupa finansiranju za mala i srednja preduzeća) između Međunarodne banke za obnovu i razvoj i Federacije BiH**
- d) Projektni dokument Dodatno finansiranje za Projekt olakšanja pristupa finansiranju za mala i srednja preduzeća**
- e) Usaglašeni zapisnik sa pregovora između Bosne i Hercegovine i Međunarodne banke za obnovu i razvoj (IBRD) u vezi sa Dodatnim finansiranjem za Projekt olakšanja pristupa finansiranju za mala i srednja preduzeća**
- f) Informacija o zajmu Međunarodne banke za obnovu i razvoj (IBRD) za Projekt poboljšanja pristupa malih i srednjih preduzeća finansijskim sredstvima – Dodatno finansiranje**

Prijedloge odluka utvrdila je Vlada Federacije a Parlamentu Federacije BiH naknadno je dostavila i korigovani tekst prijedloga odluka.

Predstavnički dom je na nastavku 16. sjednice, održane 8. novembra 2012. godine, donio Odluku o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Dodatnog finansiranja Projekta olakšanja pristupa finansiranju za mala i srednja preduzeća sa korekcijom koju je Vlada Federacije naknadno dostavila.

Prijedloge odluka razmatrala su nadležna radna tijela i dostavila izvještaje. U raspravi nije niko učestvovao.

- 12. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta vodosnabdijevanje Čapljine**
- **Projektni ugovor (Projekt vodosnabdijevanje Čapljine) između Bosne i Hercegovine i Evropske banke za obnovu i razvoj**
 - **Ugovor o zajmu (Projekt vodosnabdijevanje Čapljine) između Bosne i Hercegovine i Evropske banke za obnovu i razvoj**
 - **Ugovor o podršci Projektu (Projekt vodosnabdijevanje Čapljine) između Federacije BiH i Općine Čapljina i Evropske banke za obnovu i razvoj**
 - **Informacija o zaduženju kod Evropske banke za obnovu i razvoj (EBRD) za realizaciju Projekta vodosnabdijevanje Čapljine**

Prijedloge odluka utvrdila je Vlada Federacije.

Predstavnički dom je na nastavku 15. sjednice, održane 30. maja 2012. godine, donio Odluku o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta vodosnabdijevanje Čapljine.

Prijedloge odluka razmatrala su nadležna radna tijela i dostavila izvještaje. U raspravi nije niko učestvovao.

13. Prijedlog Odluke o prihvatanju zaduženja po Sporazumu o finansiranju između Bosne i Hercegovine i Međunarodne asocijacije za razvoj (IDA) za realizaciju Projekta razvoja navodnjavanja

- Usaglašeni zapisnik sa tehničkih diskusija između Bosne i Hercegovine i Međunarodne asocijacije za razvoj za Projekt razvoja navodnjavanja
- Sporazum o finansiranju (Projekt razvoja navodnjavanja) između Bosne i Hercegovine i Međunarodne asocijacije za razvoj
- Federalni projektni Sporazum zaključen između Međunarodne asocijacije za razvoj i Federacije BiH
- Informacija o kreditu Svjetske banke - Međunarodne asocijacije za razvoj (IDA) za Projekt razvoja navodnjavanja

Prijedloge odluka utvrdila je Vlada Federacije.

Predstavnički dom je na 9. vanrednoj sjednici, održanoj 11. septembra 2012. godine, donio Odluku o prihvatanju zaduženja po Sporazumu o finansiranju između Bosne i Hercegovine i Međunarodne asocijacije za razvoj (IDA) za realizaciju Projekta razvoja navodnjavanja.

Prijedloge odluka razmatrala su nadležna radna tijela i dostavila izvještaje. U raspravi nije niko učestvovao.

14. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta izgradnje gradskih saobraćajnica u Sarajevu koji je utvrdila Vlada Federacije BiH

- Ugovor o zajmu za finansiranje projekta izradnje gradskih saobraćajnica u Sarajevu
- Projektni ugovor zaključen između Ministarstva saobraćaja Kantona Sarajevo – Direkcija za puteve Kantona Sarajevo i Evropske banke za obnovu i razvoj
- Ugovor o podršci zajmu zaključen između Federacije BiH i Kantona Sarajevo i Evropske banke za obnovu i razvoj
- Informacija o zajmu Evropske banke za obnovu i razvoj (EBRD) za Projekt izgradnje gradskih saobraćajnica u Sarajevu

Prijedloge odluka utvrdila je Vlada Federacije.

Predstavnički dom je na 9. vanrednoj sjednici, održanoj 11. septembra 2012. godine, donio Odluku o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta izgradnje gradskih saobraćajnica u Sarajevu koji je utvrdila Vlada Federacije BiH.

Prijedloge odluka razmatrala su nadležna radna tijela i dostavila izvještaje.

Prijedloge odluka obrazložio je Vedad Nezirić, šef Sektora za zaduživanje u Federalnom ministarstvu finansija.

U raspravi su učestvovali Zijat Mušić i Vedad Nezirić.

Nakon toga predsjedavajući Doma naroda Radoje Vidović je predložio da se raspravlja o tački 6. dnevnog reda, što su delegati i prihvatili.

6. Nacrt Zakona o prekršajima

Nacrt Zakona utvrdila je Vlada Federacije.

Predstavnički dom je na 16. sjednici, održanoj 7. novembra 2012. godine, razmatrao Nacrt Zakona o prekršajima i zaključkom ga prihvatio. Tom prilikom ovaj zakon je stavljen na javnu raspravu.

Nacrt Zakona razmatrala su nadležna radna tijela i dostavila izvještaje.

Nacrt Zakona o prekršajima obrazložio je Sanin Pačariz, predstavnik Federalnog ministarstva pravde.

U raspravi su učestvovali: Predrag Kojović, Sanin Pačariz i Sretko Radišić.

7. Nacrt Zakona o istraživanju i eksploataciji nafte i plina u Federaciji BiH

Nacrt Zakona utvrdila je Vlada Federacije.

Predstavnički dom je na 16. sjednici, održanoj 7. novembra 2012. godine, razmatrao Nacrt Zakona o istraživanju i eksploataciji nafte i plina u Federaciji BiH i zaključkom ga prihvatio. Tom prilikom ovaj zakon je stavljen na javnu raspravu.

Nacrt Zakona razmatrala su nadležna radna tijela i dostavila izvještaje.

Nacrt Zakona o istraživanju i eksploataciji nafte i plina u Federaciji BiH obrazložio je Erdal Trhulj, federalni ministar energije, rudarstva i industrije.

U raspravi su učestvovali: Ivo Divković, Hajrudin Bećirović, Sretko Radišić, Nikola Simić i Erdal Trhulj.

8. Nacrt Zakona o izmjenama i dopunama Zakona o privrednim društvima

Nacrt Zakona utvrdila je Vlada Federacije.

Predstavnički dom je na nastavku 16. sjednice, održane 8. novembra 2012. godine, razmatrao Nacrt Zakona o izmjenama i dopunama Zakona o

privrednim društvima i zaključkom ga prihvatio. Tom prilikom ovaj zakon je stavljen na javnu raspravu.

Nacrt Zakona razmatrala su nadležna radna tijela i dostavila izvještaje.

Nacrt Zakona o izmjenama i dopunama Zakona o privrednim društvima obrazložio je Erdal Trhulj, federalni ministar energije, rudarstva i industrije.

U raspravi su učestvovali Elvira Abdić-Jelenović i Erdal Trhulj.

9. Nacrt Zakona o finansijskoj konsolidaciji privrednih društava u Federaciji BiH

Nacrt Zakona utvrdila je Vlada Federacije.

Predstavnički dom je na nastavku 16. sjednice, održane 8. novembra 2012. godine, razmatrao Nacrt Zakona o finansijskoj konsolidaciji privrednih društava u Federaciji BiH i zaključkom ga prihvatio. Tom prilikom ovaj zakon je stavljen na javnu raspravu.

Nacrt Zakona razmatrala su nadležna radna tijela i dostavila izvještaje.

Nacrt Zakona o finansijskoj konsolidaciji privrednih društava u Federaciji BiH obrazložio je Erdal Trhulj, federalni ministar energije, rudarstva i industrije.

Izvještaj Odbora za ekonomsku i razvojnu politiku, finansije i budžet obrazložio je Salko Selman, predsjednik Odbora.

U raspravi su učestvovali: Hajrudin Bećirović, Senahid Šaković, Elvira Abdić-Jelenović, Aner Žuljević, Ivo Divković, Josip Perić, Sretko Radišić, Ekrem Prošić i Erdal Trhulj.

- 15. a) Izvještaj o izvršenju Finansijskog plana Zavoda zdravstvenog osiguranja i reosiguranja Federacije BiH za period januar – decembar 2011. godine (konsolidovani)**
b) Izvještaj o izvršenju Finansijskog plana Federalnog fonda solidarnosti za period januar – decembar 2011. godine
c) Izvještaj o izvršenju Finansijskog plana Stručne službe Zavoda zdravstvenog osiguranja i reosiguranja Federacije BiH za period januar - decembar 2011. godine
d) Program sanacije viška rashoda nad prihodima Federalnog fonda solidarnosti Zavoda zdravstvenog osiguranja i reosiguranja Federacije BiH

Vlada Federacije dostavila je Parlamentu Federacije Izvještaj o izvršenju finansijskih planova i Program sanacije.

Predstavnički dom je na nastavku 16. sjednice, održane 8. novembra 2012. godine, usvojio Izvještaje o Izvršenju finansijskih planova i Program sanacije.

Izvještaje o Izvršenju finansijskih planova i Program sanacije razmatrala su nadležna radna tijela i dostavila izvještaje.

Delegati Doma naroda su smatrali da nema potrebe da predstavnik Vlade Federacije BiH obrazloži Izvještaje o izvršenju finansijskih planova i Program sanacije.

U raspravi nije niko učestvovao.

Nakon toga predsjednica Komisije za izbor i imenovanja Doma naroda Daliborka Milović je predložila da se 16. tačka - Izbor i imenovanja - odgodi za narednu sjednicu jer Komisija nije mogla održati svoju sjednicu zbog nedostatka kvoruma, što su delegati i prihvatili.

Predsjednik Kluba delegata bošnjačkog naroda Amir Zukić je predložio zaključak kojim se poziva Ministarstvo rada i socijalne politike da se 26. novembar 2012. godine proglasi neradnim danom kako bi se na dostojanstven način obilježio Dan državnosti Bosne i Hercegovine.

Nakon toga se prešlo na glasanje.

1. Prijedlog Zakona o izmjenama i dopunama Zakona o krivičnom postupku – hitni postupak

Sa 44 glasa za i uz jedan glas protiv, Dom naroda Parlamenta Federacije BiH usvojio je Prijedlog Zakona o izmjenama i dopunama Zakona o krivičnom postupku.

2. Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije – skraćeni postupak

Sa 42 glasa za i uz dva uzdržana glasa, Dom naroda Parlamenta Federacije BiH usvojio je Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije.

3. Prijedlog Zakona o klasifikaciji zanimanja u Federaciji BiH – skraćeni postupak

Sa 42 glasa za i uz dva uzdržana glasa, Dom naroda Parlamenta Federacije BiH usvojio je Prijedlog Zakona o klasifikaciji zanimanja u Federaciji BiH.

4. Prijedlog Zakona o zapošljavanju stranaca

Na osnovu rezultata glasanja predsjedavajući je konstatovao da je Dom naroda Parlamenta Federacije BiH jednoglasno (48 glasova za) usvojio Prijedlog Zakona o zapošljavanju stranaca.

5. Prijedlog Zakona o volontiranju

Sa 45 glasova za i uz jedan uzdržani glas, Dom naroda Parlamenta Federacije BiH usvojio je Prijedlog Zakona o volontiranju.

6. Nacrt Zakona o prekršajima

Sa 40 glasova za, uz jedan glas protiv i uz dva uzdržana glasa, Dom naroda Parlamenta Federacije usvojio je sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o prekršajima i smatra da može poslužiti kao osnov za izradu prijedloga Zakona.
2. Zadužuje se predlagač da organizira javnu raspravu u trajanju od 30 dana.
3. Zadužuje se Vlada Federacije BiH da prilikom izrade prijedloga Zakona ima u vidu primjedbe, prijedloge i sugestije iznesene na sjednici Doma naroda, kao i one iznesene u javnoj raspravi.

7. Nacrt Zakona o istraživanju i eksploataciji nafte i plina u Federaciji BiH

Sa 41 glasom za, uz jedan glas protiv i uz četiri uzdržana glasa, Dom naroda Parlamenta Federacije usvojio je sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o istraživanju i eksploataciji nafte i plina u Federaciji BiH i smatra da može poslužiti kao osnov za izradu prijedloga Zakona.
2. Zadužuje se predlagač da provede javnu raspravu u trajanju od 30 dana.
3. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici Doma naroda, kao i one iznesene u javnoj raspravi.

8. Nacrt Zakona o izmjenama i dopunama Zakona o privrednim društvima

Sa 43 glasa za, uz dva glasa protiv i uz tri uzdržana glasa, Dom naroda Parlamenta Federacije usvojio je sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o izmjenama i dopunama Zakona o privrednim društvima i smatra da može poslužiti kao osnov za izradu prijedloga Zakona.
2. Zadužuje se predlagač da provede javnu raspravu u trajanju od 30 dana.
3. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici Doma naroda, kao i one iznesene u javnoj raspravi.

9. Nacrt Zakona o finansijskoj konsolidaciji privrednih društava u Federaciji BiH

Sa 42 glasa za, uz tri glasa protiv i uz jedan uzdržani glas, Dom naroda Parlamenta Federacije usvojio je sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o finansijskoj konsolidaciji privrednih društava u Federaciji BiH i smatra da može poslužiti kao osnov za izradu prijedloga Zakona.
2. Zadužuje se predlagač da provede javnu raspravu u trajanju od 60 dana.
3. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici Doma naroda, kao i one iznesene u javnoj raspravi.

10. a) Prijedlog Odluke o prihvatanju zaduženja po Ugovoru o finansiranju između Bosne i Hercegovine i Evropske investicijske banke za finansiranje Projekta Koridor Vc - II faza

b) Ugovor o finansiranju između Bosne i Hercegovine i Evropske investicijske banke za realizaciju Projekta Koridor Vc - II faza

c) Usaglašeni zapisnik sa pregovora između Bosne i Hercegovine i Evropske investicijske banke za realizaciju Projekta Koridor Vc - II faza

d) Informacija o kreditu Evropske investicijske banke za realizaciju Projekta Koridor Vc - II faza

Sa 43 glasa za i uz dva uzdržana glasa, Dom naroda Parlamenta Federacije BiH donio je Odluku o prihvatanju zaduženja po Ugovoru o finansiranju između Bosne i Hercegovine i Evropske investicijske banke za finansiranje Projekta Koridor Vc - II faza.

- 11. a) Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Dodatnog finansiranja Projekta olakšanja pristupa finansiranju za mala i srednja preduzeća**
- b) Sporazum o zajmu (Dodatno finansiranje za Projekt olakšanja pristupa finansiranju za mala i srednja preduzeća) između Bosne i Hercegovine i Međunarodne banke za obnovu i razvoj**
- c) Federalni projektni sporazum (Dodatno finansiranje za Projekt olakšanja pristupa finansiranju za mala i srednja preduzeća) između Međunarodne banke za obnovu i razvoj i Federacije BiH**
- d) Projektni dokument Dodatno finansiranje za Projekt olakšanja pristupa finansiranju za mala i srednja preduzeća**
- e) Usaglašeni zapisnik sa pregovora između Bosne i Hercegovine i Međunarodne banke za obnovu i razvoj (IBRD) u vezi sa Dodatnim finansiranjem za Projekt olakšanja pristupa finansiranju za mala i srednja preduzeća**
- f) Informacija o zajmu Međunarodne banke za obnovu i razvoj (IBRD) za Projekt poboljšanja pristupa malih i srednjih preduzeća finansijskim sredstvima – Dodatno finansiranje**

Sa 41 glasom za, uz jedan glas protiv i uz tri uzdržana glasa, konstatovano je da je Dom naroda Parlamenta Federacije BiH donio Odluku o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju dodatnog finansiranja Projekta olakšanja pristupa finansiranju za mala i srednja preduzeća.

- 12. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta vodosnabdijevanje Čapljine**
- **Projektni ugovor (Projekt vodosnabdijevanje Čapljine) između Bosne i Hercegovine i Evropske banke za obnovu i razvoj**
 - **Ugovor o zajmu (Projekt vodosnabdijevanje Čapljine) između Bosne i Hercegovine i Evropske banke za obnovu i razvoj**
 - **Ugovor o podršci Projektu (Projekt vodosnabdijevanje Čapljine) između Federacije BiH i Općine Čapljina i Evropske banke za obnovu i razvoj**
 - **Informacija o zaduženju kod Evropske banke za obnovu i razvoj (EBRD) za realizaciju Projekta vodosnabdijevanje Čapljine**

Sa 42 glasa za i uz jedan uzdržani glas, predsjedavajući je konstatovao da je Dom naroda Parlamenta Federacije donio Odluku o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta vodosnabdijevanje Čapljine.

- 13. Prijedlog Odluke o prihvatanju zaduženja po Sporazumu o finansiranju između Bosne i Hercegovine i Međunarodne asocijacije za razvoj (IDA) za realizaciju Projekta razvoja navodnjavanja**
- Usaglašeni zapisnik sa tehničkih diskusija između Bosne i Hercegovine i Međunarodne asocijacije za razvoj za Projekt razvoja navodnjavanja
 - Sporazum o finansiranju (Projekt razvoja navodnjavanja) između Bosne i Hercegovine i Međunarodne asocijacije za razvoj
 - Federalni projektni Sporazum zaključen između Međunarodne asocijacije za razvoj i Federacije BiH
 - Informacija o kreditu Svjetske banke - Međunarodne asocijacije za razvoj (IDA) za Projekt razvoja navodnjavanja

Sa 44 glasa za i uz jedan uzdržani glas, Dom naroda Parlamenta Federacije BiH donio je Odluku o prihvatanju zaduženja po Sporazumu o finansiranju između Bosne i Hercegovine i Međunarodne asocijacije za razvoj (IDA) za realizaciju Projekta razvoja navodnjavanja.

- 14. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta izgradnje gradskih saobraćajnica u Sarajevu, koji je utvrdila Vlada Federacije BiH**
- Ugovor o zajmu za finansiranje projekta izradnje gradskih saobraćajnica u Sarajevu
 - Projektni ugovor zaključen između Ministarstva saobraćaja Kantona Sarajevo – Direkcija za puteve Kantona Sarajevo i Evropske banke za obnovu i razvoj
 - Ugovor o podršci zajmu zaključen između Federacije BiH i Kantona Sarajevo i Evropske banke za obnovu i razvoj
 - Informacija o zajmu Evropske banke za obnovu i razvoj (EBRD) za Projekt izgradnje gradskih saobraćajnica u Sarajevu

Sa 39 glasova za, uz jedan glas protiv i uz pet uzdržanih glasova, Dom naroda Parlamenta Federacije BiH, donio je Odluku o prihvatanju zaduženja po ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta izgradnje gradskih saobraćajnica u Sarajevu, koji je utvrdila Vlada Federacije BiH.

15. a) Izvještaj o izvršenju Finansijskog plana Zavoda zdravstvenog osiguranja i reosiguranja Federacije BiH za period januar – decembar 2011. godine (konsolidovani)
 b) Izvještaj o izvršenju Finansijskog plana Federalnog fonda solidarnosti za period januar – decembar 2011. godine
 c) Izvještaj o izvršenju Finansijskog plana Stručne službe Zavoda zdravstvenog osiguranja i reosiguranja Federacije BiH za period januar – decembar 2011. godine
 d) Program sanacije viška rashoda nad prihodima Federalnog fonda solidarnosti Zavoda zdravstvenog osiguranja i reosiguranja Federacije BiH

Sa 42 glasa za i uz tri uzdržana glasa, Dom naroda Parlamenta Federacije BiH, donio je sljedeći:

ZAKLJUČAK

Dom naroda Parlamenta Federacije BiH usvaja Izvještaj o izvršenju Finansijskog plana Zavoda zdravstvenog osiguranja i reosiguranja Federacije BiH za period januar – decembar 2011. godine.

Sa 38 glasova za, uz jedan glas protiv i uz sedam uzdržanih glasova, Dom naroda Parlamenta Federacije BiH donio je sljedeći:

ZAKLJUČAK

Dom naroda Parlamenta Federacije BiH usvaja Izvještaj o izvršenju Finansijskog plana Federalnog fonda solidarnosti za period januar – decembar 2011. godine.

Sa 41 glasom za i uz šest uzdržanih glasova, Dom naroda Parlamenta Federacije BiH donio je sljedeći:

ZAKLJUČAK

Dom naroda Parlamenta Federacije BiH usvaja Izvještaj o izvršenju Finansijskog plana Stručne službe Zavoda zdravstvenog osiguranja i reosiguranja Federacije BiH za period januar – decembar 2011. godine.

Sa 38 glasova za, uz jedan glas protiv i uz pet uzdržanih glasova, Dom naroda Parlamenta Federacije BiH donio je sljedeći:

ZAKLJUČAK

Dom naroda Parlamenta Federacije BiH usvaja Program sanacije viška rashoda nad prihodima Federalnog fonda solidarnosti Zavoda zdravstvenog osiguranja i reosiguranja Federacije BiH.

Nakon toga glasalo se o zaključku predsjednika Kluba delegata bošnjačkog naroda Amira Zukića kojim se poziva Ministarstvo rada i socijalne politike da se 26. novembar proglasi neradnim danom kako bi se na dostojanstven način obilježio Dan državnosti Bosne i Hercegovine.

Sa 33 glasa za, uz jedan glas protiv i uz devet uzdržanih glasova, Dom naroda Parlamenta Federacije BiH usvojio je navedeni zaključak.

Sjednica je završena u 16.10.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVALAČI

Radoje Vidović